



**M**Eynardus de Zegenberg multis artibus & disciplinis instructus & magna pietate præditus fuit. Hic cum mercatoribus Lubeckæ discedens, nauigio in Liuoniam peruenit, atq; idololatriam eam gentem Christo lucrari studuit, anno Christi circiter 1200. Ibidē casam extruxit, atq; cum famulo commoratus, Liuonicam linguam magno labore didicit. Postea Euangelium annūciare cœpit, atq; multas eius terrę incolas ad Christianam religionem perduxit. Cum res ibi prosperè succederent à Harduico Bremensi Archiepiscopo, anno 1186 in urbe Rigensi primus Liuoniensis præsul electus fuit. Itaq; is eam ecclesiam sua diligentia e-

gregiè plantauit. Cum etiam Lithuani Christianos in ijs locis molestarent, eius iussu aliquot arcēs ad ripam Dunæ fluminis erectæ non procul à Riga, ut hostes arceri possent. Hoc modo eam ecclesiã per multos annos optimè Meynardus administrauit & tandem Bertoldum Cisterciensium abbatem, in opere pietatis & episcopatu successorem habuit. Crantz. lib. 6. cap. 10.